

և ընդարձակեալ նորոգեաց զքաղաքն Յոսպէ, ամրացուցեալ զնա պարսպաւ, ուր նստէր յայնժամ Լատին իշխանն Յովնան Իսլլինեան, և առեալ էր 'ի կնութիւն զօրիորդն Հայոց զՄարիամ, զքոյր թագաւորին Հայոց Հեթմոյ առաջնոյ, որպէս և Յուլիա Իսլլինեան, տէրն Սիդոնի էառ յետոյ 'ի կնութիւն զգլխաւոր նորին Հեթմոյ զՖիմի (Եւփիմիայ) (1232) . զընդարձակ հանգամանս սոյն հարստանեաց . Տեա 'ի Գէրա Ալէշէի . Յաշէի . Հայրե . Հապ . Բ . 533 : Լուգոփիկոս վանեաց զթշնամիս Սիդոնի և նորոգեաց զաւերեալ տեղին, յորում լուաւ զգոյժ մահուան մօր իւրոյ Պլանշ գշտոյին, զոր տեղակալ կարգեալ էր թագաւորութեան իւրոյ . մեկնեցաւ տրտմութեամբ 'ի Պաղոմայիս՝ և բազմութիւն քրիստոնէից յուղարկեցին զնա 'ի նաւ, և նորա նաւարկեալ եհաս 'ի Կիպրոս եւ անտի նաւեաց 'ի Գաղլիտ, ուր և վախճանեցաւ իսկ (1270) :

Հուլաւուն իսն թաթարաց, յետ առման Պաղտատի, դարձոյց զգէնս իւր 'ի Միջագէտս և յԱսորիս . էառ զԲերիա և 'ի սուր մաշեաց զընակիչս . Դամասկոս երաց առաջի նորա զգրուանն . լուեալ թէ Երուսաղէմ է 'ի ձեռս Սուլթանացն Եգիպտոսի՝ դիմեաց անդ և էառ զնա, և եմուտ 'ի տաճարն Ս . Յարութեան եւ երկիրեպաղ Գերեզմանին Քրիստոսի : Կալաւ զՍուլթանն Դամասկոսի և Բերիոյ եւ առաքեաց զնա 'ի Պարսս, և զերկիրս նորա ետ արքային Հեթմոյ եւ փեսայի նորին Անտիոքայ Լատին իշխանին : Հեթմում արքայ զինակից էր Թաթարաց յառման երկրին Ասորւոց, որպէս պատմէ մերս Վարդան, որ և յամենայն տեղիս բազում բարիս եցոյց քրիստոնէից . ազատելով 'ի մահուանէ զեկեղեցականս և զաշխարհիկս . թերեւս եհաս նա մինչեւ յԵրուսաղէմ ընդ իսնին, այլ պատմիչք ժամանակին լռեն վասն այսմ, վասն որոյ չունիմք ինչ ասել : Իսկ Հուլաւուն եղեալ պահապանս եւ վերակացուս քաղաքաց և զգորազլուիս զօրուն յԱսորիս, ինքն դարձաւ յարեւելս :

Յամի 1878, ոմանք յԱրաբացւոց Գերեք քաղաքի բերին աստ յԵրուսաղէմ 'ի վանս սեաւ մարմարիոն քար ինչ, յորոյ վերայ գրեալ էր յետագայ վերտապութիւնս, որոյ վերձանումն եղեւ կարի դժուարին :

ԱՍ ԵԿԵՂԵՅԻՆ ՍՈՒՐԲ ՅԱԿՈՒԼԻ ԱՆՈՒՆՈՎ ՀՆԹՄՈՅ